

Philos




59361

Mag. St. Dr.

Cwiczerowius franc. Ant. Quaestio logica de terminis.

17 Kwart 1768



IN NOMINE DOMINI, AMEN.

QUÆSTIO LOGICA DE TERMINO;

Ex Libro 1mo Priorum Aristotelis, Cap. 1mo Text. 6to & 7mo. item
Libro Perihermenias

DE PROMPTA,

Sub Felicissimo Regimine

Magnifici Perillustri & Admodum Reverendi Domini

**D. M. CASIMIRI
JARMUNDOWICZ**

Utriusque Juris DOCTORIS & PROFESSORIS, Facultatis Juridicæ
DECANI, Ecclesiarum; Collegiatae Sanctorum Omnium Cracoviæ
CUSTODIS, Parochialis in Luborzyca CURATI, Contubernii Star-
nigieliani & Alumnatus Roszczeviani PROVISORIS, Studii
Generalis Almæ Universitatis Cracoviensis Vigilantissimi

RECTORIS,

à

M. FRANCISCO ANTONIO Cwierzowicz

Philosophiæ Doctore, in Classibus Novodvorscianis Dialectices Professore,

Scholæ ad Collegiatam S. Floriani Seniore, S. R. M. S.

Pro Loco in Collegio Minori obtinendo,

ad publicè disputandum,

In Lectorio Clarissimorum Dominorum Theologorum

PROPOSITA.

Annò: Quò in modo Figuræ Crucis;

ConCLVsVM est De nobls.

Aprilis Mensis: feria sexta fVlt.

CRACOVIAE In Typog: Seminarii Academ: Diacelani.



Præsidi vitæ nostræ
 Benedictæ in Aeternum (a)
 Primogenitæ ante omnem Creaturam
 Sacratissimæ VERBI ÆTERNI MATRI.
 Dignæ Digni, Immaculatæ Sancti, Unicæ Unicæ;
 Termino Consiliorum DEI. (b)
 Argumento certo Gratia Domini, (c)
 nec in materia nec in forma quia in Adam non peccanti.
 Termino distinctionis primæ post DEUM,
 Cujus primum statim in Utero exortum à reliquis Gratia distinxit,
 Summo Prædicamento: Cui subicitur omne quid quid infra DEUM est.
 Nobilissimo Mentis Divinæ Conceptui,
 Fæminæ Eloquentissimæ
 Quæ Patrem Aeternum loquentem, & Verbum iterum vocale fecit.
 Positioni in Gratia perpetuæ,
 adhuc ante abyssos, & antequam terra fieret
 firmissimæ.
 In componendo: admirabili illo duarum in una Persona naturarum Disticho,
 regioni potissimæ.
 Carmini: in Capite Libri indelebiter scripto, & illi sine vx.
 Constructioni Ipsius DEI,
 Quam Ipse sibi DEUS (de qua nasceretur) fecit. (d)
 Libro Incomprehenso,
 absquæ solæcismo culpæ, sine barbarismo veniæ, sine appendice erroris,
 à munda originali libero.
 Prænobili Adverbio
 ad reatum originalis peccati nusquam inflexo.
 Collegio Sanctitatis, (e)
 Artium Universitati. (f)
 Scientiæ Scientiarum
 Cui satis erat nescire peccare.
 Speculo sine macula purissimo, liliorumquæ Valli amoenissimæ. (g)
 Mundissimo tetius Sacrosanctæ TRINITATIS Sacrario.
 Unico errantium Sideri,
 Studentium Patronæ, Tyronum Asylo,
 Divinori Magistræ Juventutis, (h)
 Pulchræ ad intuendum! amabili ad contemplandum! delectabili ad amandum!
 MALI EVæ nesCIæ, Del GenITRICI,
 Semper Augustæ & Immaculatæ Virgini
 absquæ macula originali Conceptæ,
 in Academico Scholarum sub titulo suæ Archi confraternitatis erecto, Pietatis Oratorio
 Gratiis & miraculis Celeberrimæ.
 Illustribus plantis, & augustis Ancillæ pedibus
 † caligantem ex nomine, ancillantis Scientiæ
 Theoricam de Termino Logico Quæstionem,
 circa terminum sexennii Professionis suæ Novodvorscianæ
 in perennem Hiperdulæ Cultum
 profundissimò devotionis Votò
 subscribit, substernit,
 D. D. D.
 A. O. præfata Archi-confraternitatis Notarius.

a) D. Gregor. Nazianz. (b) S. Germ. orat. in Præsen. B. U. (c) Jacobus Monachus orat:
 de Nat. B. U. (d) August. Tract. de s. heres (e) Petr. Chrys. ser. 186. (f) Alb. Mag. supra
 missus ē (g) Gertrudis. (h) Węgrzynowius in Syllabo Mariano.
 † Logica. Anagrā. caligo.

Q U Æ S T I O L O G I C A.

U. Terminus in quem resolvitur Propositio: dicens formaliter rationem partis in ordine ad Enuntiationem: in ordine autem ad construendum Syllogismum, non tantum in terminando resolutionem, sed etiam compositionem Syllogismi & Propositionis, habens quidditatem; secundum se consideratus, essentialiter dividatur in prædicatum & subiectum, nec ne?

C O N C L U S I O I.

Terminus est in quem resolvitur Propositio.

C O R O L L A R I A.

- I. Philosophus Libro 1^{mo} Priorum non definit generaliter omnem Terminum, ex quo potest constare Propositio, ut est Enuntiatio, sed ut præcisè deservit ad construendum ordinem Syllogisticum.
- II. Terminus ut definitum in ista definitione non accipitur pro quavis voce significante, sed pro eo quod actu terminat Propositionem, qualia sunt subiectum & prædicatum.
- III. Resolutio Propositionis non accipitur hic indifferenter pro quacunque resolutione, sive in principia Materialia sive in Formalia: sed pro resolutione in Materialia tantum.
- IV. Fieri non potest, ut ulterius procedat resolutio Logica extra Terminum.
- V. Licet Terminus sit principium & pars Propositionis; tamen hic convenienter à Philosopho definitus est post Propositionem.

C O N C L U S I O II.

Terminus in ordine ad Enuntiationem dicit formaliter rationem partis.

C O R O L L A R I A.

- I. Terminus ut Enuntiativus, dicit ordinem^{ad} Propositionem non solum ut extremum; sed etiam secundum rationem magis communem, quæ comprehendat sub se Nomen & Verbum & alias partes.
- II. Terminus quatenus pars Enuntiationis, speciali acceptione comprehendit solum partes principales Orationis Dialecticæ, scilicet Nomen & Verbum, ad quas aliæ reducuntur, vel istarum sunt quædam ligamenta.
- III. De ratione Termini Logicalis est, ut sit vox significativa ad placitum.
- IV. Voces non significantes vel materialiter acceptæ non componunt Orationem formalem, ut A. non est B. nisi subintelligatur vox aliqua significativa, ratione cuius fiat compositio artificiosa & formalis, ut. litera A. non est litera B.
- V. Terminus in ordine ad Enuntiationem, habet actu Essentiam Termini extra Propositionem; licet non habeat actu exercitium terminandi vel componendi illam, non tamen extra Propositionem est prædicatum: sed tantum prædicabile vel subijcibile.

CONCLUSIO III.

Termini in ordine ad construendum Syllogismum quidditas consistit non tantum in terminando resolutionem, sed etiam compositionem Syllogismi & Propositionis.

COROLLARIA.

- I. Aristoteles cum per solum resolutionis officium definivit Terminum Prioristicum, non est dicendum diminutum fuisse tantopere celebrem Philosophum in explicanda Termini essentia.
- II. Optima ratione Philosophus in definitione Termini Prioristici, potius expressit resolutionem quam compositionem.
- III. Terminus Prioristicus formaliter non respicit componere, sed inferre veritatem in Propositionibus constitutam.
- IV. Licet Termini Syllogismi non concurrant sine Verbo ad inferendam Conclusionem, tamen verbum Est. ut copulans tantum; non est Terminus Propositionis.
- V. Dicere Terminum esse extremum Propositionis magis competit Termino in ordine ad Syllogismum, quam ad Enuntiationem.

CONCLUSIO IV.

Terminus secundum se consideratus essentialiter dividitur in prædicatum & subiectum.

COROLLARIA.

- I. Terminus Syllogisticus inquantum talis non dividitur essentialiter per terminationem resolutionis Prioristicæ vel Posterioristicæ.
- II. Terminus in ordine ad Enuntiationem essentialiter dividitur in Nomen & Verbum, in mentalem verò, vocalem & scriptum, tanquam in Accidens & subiecta.
- III. Reliquæ Termini Divisiones, licet dividant Terminum secundum diversam rationem signi ex parte rei significatæ vel modi significandi, non tamen dividunt ipsam Essentialem rationem Termini ut est pars Propositionis.
- IV. Verbum semper est prædicatum Propositionis Formale, & ut Quo: potestq; ex illo solo constare Propositio, si sit primæ vel secundæ Personæ, non perinde si tertiæ.
- V. Nomen si cum Verbo Personali componit Enuntiationem, debet esse Casus recti, si cum Impersonali, tunc casus obliqui erit, natura Verbi sic exigente.

Hinc

Verbo InCarnato:

& Sanctæ Dei Matris; honor, gloria, sit, perennis,
fine Termino.





